

# Årsmelding og rekneskap 2008



Sogn regionråd

Aurland kommune  
Balestrand kommune  
Leikanger kommune  
Luster kommune  
Lærdal kommune  
Sogndal kommune  
Vik kommune  
Årdal kommune

April 2009

# Innhold

<b>1</b>	<b>Sogn regionråd.....</b>	<b>.3</b>
1.1	Møte og deltaking.....	.3
1.2	Arbeidsgrupper.....	.3
1.3	Rekneskap – økonomiske resultat.....	.4
<b>2</b>	<b>Aktivitetar i 2008.....</b>	<b>.4</b>
2.1	Skule .....	.4
2.2	Reiseliv.....	.5
2.3	IKT.....	.5
2.3.1	Fellesordningar i Sogn regionråd.....	.5
2.3.2	IKT-samarbeid for ÅLAV og BLLS .....	.6
2.3.3	GIS-prosjekt .....	.6
2.4	Rekruttering.....	.7
2.5	Næringsutvikling.....	.7
2.6	Barnevern.....	.8
2.7	Helse .....	.8
2.8	Flyplass .....	.8
2.9	Regionalplan for Sogn regionråd .....	.8
2.10	Samarbeidsforsa under Sogn regionråd .....	.8
2.10.1	Rådmannsgruppa.....	.8
2.10.2	Regionalt ungdomsnettverk .....	.9
2.11	Folkevaldoplæring.....	.9
2.12	Landskonferanse for regionråd .....	.10
2.13	Orienteringar og gjesteforedrag .....	.10
2.14	Fråsegner frå Sogn regionråd .....	.10
<b>3</b>	<b>Vedlegg .....</b>	<b>.11</b>
3.1	Rekneskapsoversikt - Sogn regionråd .....	.11
3.2	Bruk av fondsmidlar .....	.12

# 1 Sogn regionråd

## 1.1 Møte og deltaking

Sogn regionråd er ein interkommunal samanslutnad etter kommunelova § 27 og er samansett av kommunane Aurland, Balestrand, Leikanger, Luster, Lærdal, Sogndal, Vik og Årdal.

Ordførararane i kommunane er faste medlemmar i regionrådet, og rådet har slik samansetjing:

Vik kommune, Marta Finden Halset (leiar)  
Luster kommune, Torodd Urnes (nestleiar)  
Aurland kommune, Olav Ellingsen  
Balestrand kommune, Einar Målsnes  
Leikanger kommune, Olav Lunden  
Lærdal kommune, Arne Sanden  
Sogndal kommune, Jarle Aarvoll  
Årdal kommune, Arild Ingar Lægreid

I møtet 5. desember 2008 vart Jarle Aarvoll vald til leiar og Torodd Urnes vart vald til nestleiar.

Sogn regionråd har eige sekretariat med dagleg leiar tilsett i fast stilling. Stillinga er formelt sett lagt til administrasjonen i Sogndal kommune under eininga fag og utvikling. Avtalen med Sogndal kommune er gyldig ut 2010.

Sogn regionråd hadde 8 møte:

25. januar, Balestrand  
8. februar, Sogndal  
28. mars, Luster  
25. april, Vik  
13. juni, Aurland  
29.august, Årdal  
17. oktober, Leikanger  
5. desember, Lærdal

Det vart handsama 35 saker i løpet av året.

## 1.2 Arbeidsgrupper

Sogn regionråd vedtok retningslinjer for arbeidsgrupper i 2008. Arbeidsgruppene gjev tilråding til regionrådet innan sine saksområde, og har ikkje vedtaksmynne. Det var i 2008 fire arbeidsgrupper med følgjande møteaktivitet: Flyplassgruppa (2 møte), helsegruppa (2 møte), reiselivsgruppa (2 møte) og RUP-gruppa (3 møte).

Reiselivsgruppa var også arbeidsgruppe for Landskonferansen for regionråd der Sogn regionråd var arrangør (5 møte).

### 1.3 Rekneskap – økonomiske resultat

Rekneskapen har ikkje hatt eigen revisjon for 2008, men vert revidert som ein del av rekneskapen i Sogndal kommune.

Sogn regionråd fekk totalt tilført inntekter på kr 9 031 191. Av desse utgjer eksterne midlar kr 3 865 000 og refusjon frå kommunane kr 4 627 804.

Netto driftsresultat er kr 2 921 643.

Det er brukt kr 4 860 014 av bundne fond, medan ubrukte midlar kr 1 938 371 er avsett til fond.

Renteinntektene for fondsmidlane utgjer kr 300 000 i 2007 og kr 351 390 i 2008, og er avsett til fondsmidlar kontingent. Meirverdiavgiftkompensasjonen som er ført på Sogn regionråd sitt ansvar går til Sogndal kommune i samsvar med avtalen og utgjer kr 112 997 i 2008.

Detaljar i rekneskapen og gjennomgang av bruken av fondsmidlar er lagt ved som vedlegg til årsmeldinga.

## 2 Aktivitetar i 2008

Sogn regionråd har skissert mål og strategiar for prioritering av regional utvikling i ”Regionalplan for Sogn 2005-2008”. Planen har desse tema: Infrastruktur, næringsutvikling, bruk og vern, kompetanse og forsking, teneste og service og trivsel og tryggleik.

Sogn regionråd har ein samarbeidsavtale med Sogn og Fjordane fylkeskommune. Målet med avtalen er å samordna planlegging og gjennomføring av regionalplanen for Sogn. Avtalen har desse satsingsområda for 2008: Skule, reiseliv, IKT, rekruttering, ungdom og næringsutvikling.

### 2.1 Skule

Prosjektperioden for ”Sats på skulen – snu Sogn” er 2006-2012. Målet er:

Meir kompetanse for den einskilde elev og eit bidrag til samfunnsutviklinga gjennom auka samarbeid om skuleutvikling i regionen

Regionrådet har prosjektleiar i full stilling. I 2008 har arbeidet vore konsentrert om å få etablert, implementert og konkretisert prosjektet gjennom planprosessar og møte med ulike aktørar. Hausten 2008 vart det gjennomført ei undervegsvurdering av alle delprogramma som utgangspunkt for vidareføringa. Programstyret har hatt 6 møte.

#### **Prosjektet har tre delprogram:**

- Kompetanseheving for skuleleiarar**

Kull 1 (28 deltakrar) avsluttar våren 2009 ei toårig vidareopplæringa i skuleleiing. Kull 2 (17 deltakrar) starta hausten 2008.

- **Vidareutvikling av dei faglege nettverka**  
Ein plan for arbeid i faglege nettverk og vidareutvikling av desse er utarbeidd og sendt på høyring. Etterutdanningskurs i entreprenørskap er sett i gang.
- **Kommunane som skuleeigar**  
Måldokument for det å vere skuleeigar i Indre Sogn er utarbeidd. Med utgangspunkt i dokumentet prioriterer alle kommunane tiltak innan 1.1.09.

Prosjektet er finanisert av statlege midlar, OU-midlar frå KS og våre RUP-midlar (regionale utviklingsprosjektmidlar). Vi mottok frå Utdanningsdirektoratet kr 200 000 til etterutdanning i entreprenørskap og frå Fylkesmannen ved Programstyret for Entreprenørskap og Nyskaping kr 150 000 til breiddesatsing på entreprenørskap og kr 20 000 til entreprenørskapsmessa i Balestrand for ungdomsskuleelevar.

## 2.2 Reiseliv

### **Felles marknadsføring**

Sogn regionråd gav tilskot med kr 200 000 av RUP-midlane til felles marknadsføring av reiseliv i regionen gjennom Visit Sognefjord.

### **Reiselivsplan for Sogn og Fjordane**

Sogn regionråd har samarbeidd med Sogn og Fjordane fylkeskommune om reiselivsplanen for Sogn og Fjordane. Regionrådet si reiselivsgruppe har delteke i referansegruppa.

## 2.3 IKT

### 2.3.1 Fellesordningar i Sogn regionråd

#### **Kommunenett**

Kommunane i Sogn regionråd har eit kommunikasjonsnett som binder dei saman med felles oppkoplingspunkt til fylkeskommunen. Løysinga gjev innsparing totalt sett og gjer det mogeleg å utvikla fellesløysingar og nye tilbod både internt og mot omverda.

#### **Norsk Helsenett og SOFIA**

Sogn regionråd har to tilleggsavtaler til kommunenett med fylkeskommunen for etablering og drift av Norsk Helsenett og skattenettet SOFIA.

#### **GIS-løysing**

Sogn regionråd har avtale med fylkeskommunen om drift av GIS-systemet.

#### **Breibandutbygging**

Sogn regionråd sin representant i Breibandforum er Nils Geir Myrkaskog, Vik kommune.

Breibandutbygging fase 3 vart starta opp i 2008 og er forseinka i forhold til planen.

### **IKT Helsenettverk**

Nettverket arbeider særleg med modernisering knytt til samhandling mellom spesialisthelsetenesta og kommunehelsetenesta. Sogn regionråd sin representant er Gunnar Steine, Leikanger kommune.

### **IKT Skulenettverk**

Nettverket arbeider for å tilby alle skular ein fylkesdekkande digital læringsplattform. Sogn regionråd har delteke i eit skulenettverk under IT-forum. Sogn regionråd sin representant er Sture Førre, Luster kommune.

### **IKT-strategi**

IKT-funksjonen er delt i Sogn regionråd mellom ÅLAV (Årdal, Lærdal, Aurland og Vik) og BLLS (Balestrand, Leikanger, Luster og Sogndal).

### **IKT-faggruppa**

IKT-faggruppa er arena for IKT-relaterte problemstillingar i Sogn regionråd og rapporterer til rådmannsgruppa. Gruppa hadde 4 møte i 2008. Nokre av oppgåvene til gruppa var å tinga med Norkart om pris for Matrikkel og vidareføra arbeidet med revidering av Kommunenett- og GIS-avtale, m.a. laga nye kravspesifikasjoner.

## **2.3.2 GIS-prosjekt**

### **Geografisk informasjonssystem (GIS)**

Sogn regionråd mottok fornyingsmidlar frå Fylkesmannen til to GIS-prosjekt i 2008:

#### **a) Integrerte Kommunale Tenesteportalene fase III med delprosjekta:**

- ROS – registrering og kartlegging av skred- og flaumsikringstiltak i kommunen med visualisering gjennom [www.sognekart.no](http://www.sognekart.no)
- Digitale målebrevarkiv
- Digitale turkart
- Digitale brannkumkart

Vi fekk kr 1 240 000 av fornyingsmidlane til dette prosjektet.

Sogn regionråd har tilsett GIS-koordinator i full stilling.

#### **b) Plan- og temadata i Sogn og Fjordane**

Hovudprosjektet varer frå 2008-2011, og gjeld heile fylket. Målet med forprosjektet var å laga ein plan for etablering, vedlikehald, forvaltning og tilgjengeleggjering av arealplan- og tematiske geodata hos kommunane. Sogn regionråd er prosjekteigar og Statens Kartverk er prosjektansvarleg. Vi fekk kr 300 000 av fornyingsmidlane til dette prosjektet.

## **2.3.3 IKT-samarbeid for ÅLAV og BLLS**

Rådmannsgruppa har bedt om at årsmeldinga til regionrådet også inneheld ei oppsummering av IKT-arbeidet for kommunenesamarbeida ÅLAV og BLLS:

#### **a) ÅLAV-samarbeidet**

Ingen innrapportering frå ÅLAV-samarbeidet.

## b) BLLS-samarbeidet

Kommunane BLLS samarbeider om desse prosjekta:

**Nettsideprosjektet** - Fellesprosjekt med ÅLAV der kommunane sine nettsider skal få ny oppbygging

**Innføring av Feide** - Implementering av elektronisk identitet ved pålogging til digitale tenester i grunnskulane

**BEST elektronisk dokumentutveksling** - Meir effektiv saksflyt og sikker meldingsutveksling mellom kommunar, fylkeskommunen og fylkesmannen

**Fullelektronisk arkiv** - Vidareføring av eSak-prosjektet med mål om fullelektronisk arkiv i 2010.

**Norsk Helsenett og elektronisk dokumentutveksling** – Erfaringsutveksling mellom kommunane

**Innføring av kvalitetssystem** – Erfaringsutveksling mellom kommunane

**Internkontroll og informasjonstryggleik** – Laga rutinar for å møta kommunane sine plikter etter personopplysningslova og rutinar og tekniske tiltak for informasjonstryggleik.

**Økonomi-, løns- og personalsystem** - Samarbeid med fylkeskommunen om nytt system

## 2.4 Rekruttering

### **Rekrutteringsmesser**

Sogn regionråd gav tilskot til Sogn Næring på kr 50 000 av RUP-midlane til rekrutteringsmesser i Oslo, Bergen og Trondheim. Framtidsfylket arrangerer messene for Sogn og Fjordane.

### **Kompetanse- og rekrutteringsnettverk**

Fleire offentlege verksemder i Sogn deltek i kompetanse- og rekrutteringsnettverk. For kommunane i Sogn regionråd deltek Bente Bakke, Sogndal kommune, i nettverket.

## 2.5 Næringsutvikling

### **Njøs Næringsutvikling**

Sogn regionråd bidrog til omstilling ved forskingsstasjonen på Njøs med kr 200 000 av RUP-midlane i 2008, og er innstilte på å delta i resten av omstillingsperioden.

### **Prosjekt Kommunal næringsutvikling**

Harald Mundal, Lærdal kommune, er Sogn regionråd sin representant i prosjektgruppa i prosjektet Kommunal næringsutvikling. Prosjektet vart avslutta ved utgangen av 2008.

### **Prosjekt Leidang – Kystled Sognefjord**

Forprosjektet starta i desember 2008 og eitt av måla med prosjektet er å få auka aktivitet på og ved Sognefjorden ved å etablira ein ”flåte” av tradisjonelle sognabåtar for utleige. Sogn regionråd samarbeider med De Heibergske Samlinger – Sogn folkemuseum og Indre Sogn Kystlag. Kulturutviklingsmidlar frå fylkeskommunen dekker kr 50 000 av prosjektkostnadane i tillegg til våre RUP-midlar. Det er tilsett to prosjektleiarar i delt stilling. Olav Ellingsen er leiar for styringsgruppa.

## 2.6 Barnevern

Forprosjektet fase II for etablering av interkommunalt barnevern vart avslutta i 2008. Saka var til høyring og vart handsama i regionrådet i januar. Kommunane Leikanger, Luster og Sogndal vedtok ein vertskommunemodell med Sogndal som vertskommune. Dei andre kommunane har høve til å slutta seg til evt. seinare kjøpe tenester frå vertskommunen eller oppretta eigen vertskommune.

## 2.7 Helse

Helsegruppa arbeider med samhandling mellom spesialisthelsetenesta og kommunehelsetenesta og lokalsjukehus.

Leiar i regionrådet er representert i koordineringsrådet i Helse Førde.

## 2.8 Flyplass

Flyplassgruppa har arbeidd for å få Sogndal Lufthamn Haukåsen oppgradert mot ferdigstilling i 2008. ILS på bane 24 vart ferdigstilt i desember og dei avsette midlane vart utbetalt til Avinor.

Flyplassgruppa har også arbeidd for å betra kapasiteten på morgen- og kveldsflyet, og for å få eit nattstoppfly.

## 2.9 Regionalplan for Sogn regionråd

Regionrådet starta arbeidet med å revidera regionalplanen våren 2008. Det har vore føredrag og gruppearbeid som grunnlag for satsingsområde, mål, strategiar og tiltak.

RUP-gruppe følgjer opp arbeidet med regionalplanen og samarbeidsavtalen med fylkeskommunen.

## 2.10 Samarbeidsfora under Sogn regionråd

### 2.10.1 Rådmannsgruppa

Rådmannsgruppa er eit forum for erfaringsutveksling mellom kommunane og utviklar samarbeidet om kommunal forvaltning, administrative funksjonar og tenesteproduksjonen i regionen. Leiar for rådmannsgruppa var Jostein Aanestad, rådmann i Sogndal kommune. Dei hadde 6 møte i 2008. 2007. Dagleg leiar i Sogn regionråd skriv møtereferat og deltek i fleire av gruppa sine prosjekt.

Dei viktigaste sakene i rådmannsgruppa:

#### **Skjenkekонтроль**

Avtalen vart sagt opp. Samarbeidsordninga Sogn og Fjordane Felles Innkjøp (SFFI) gjennomførde anbodsrunde og inngjekk ny avtale med Nordfjeldske Kontroll. Aurland kommune er ikkje omfatta av avtalen.

### **Renteinntekter**

Rådmannsgruppa førebudde sak om renteinntekter av fondsmidlar til Sogn regionråd.

### **SF Revisjon**

Rådmannsgruppa gav innspel til framlegg til selskapsavtalen til SF Revisjon.

### **Sekretariatet for kontrollutvala**

Kommunane vedtok i 2007 å ikkje forlenga avtalen med fylkeskommunen om levering av sekretariatstenester for kontrollutvala, og istaden kjøpa tenestene i marknaden. Ei arbeidsgruppe, samansett av to frå rådmannsgruppa og dagleg leiar, laga framlegg til kravspesifikasjon. Anbodsdokumentet vart førebudd av SFFI saman med to kontrollutvalsleiarar og ein frå rådmannsgruppa. Kommunane vedtok før jul å inngå avtale med PricewaterhouseCoopers.

### **Sats på skulen – snu Sogn**

Prosjektet vart evaluert hausten 2008 av ei arbeidsgruppe samansett av ein frå rådmannsgruppa, prosjektleiar, regionleiar for barnehagane og skulane i indre Sogn og dagleg leiar. Evalueringa vart lagt fram for regionrådet. Det vart søkt om fornyingsmidlar frå Fylkesmannen ut prosjektperioden.

### **Avtale om drift av sekretariatet**

Eit utval av rådmannsgruppa førebudde sak til regionrådet og tilrådde vidareføring av dagens ordning med nokre justeringar.

### **Samarbeid om sjeldantenester**

Rådmannsgruppa sökte om fornyingsmidlar frå Fylkesmannen til forprosjekt for å utgreia behovet for interkommunalt byggjetilsyn.

### **Lokale everk**

Det var seminar med dei lokale everka i mars. Tema: Beredskap, samarbeid mellom everka og kommunane mv. Seminaret er følgd opp med ROS-analyser knytt til elektrisitetsforsyninga i regionen.

## **2.10.2 Regionalt ungdomsnettverk**

Det regionale ungdomsnettverket har eigen aktivitetsplan for 2006-2008, og disponerer kr 177 000 av fondsmidlar til aktivitetar. Ole Opheim Røthe, tenesteleiar for kultur i Leikanger kommune, er leiar for nettverket. Nettverket har hatt 3 møte i Balestrand, Aurland og Leikanger. Eitt av møta var Nettverkssamling over 2 dagar der ny aktivitetsplan for 2009-2010 vart laga. Nettverket har planlagt ny samling for ungdomsarbeidarar i 2009 (vert halde annakvart år) og scenelyskurs for ungdomar i 2009. Deltakarane i Nettverket har delteke på konferanse om førebyggande samarbeid mot rus og ungdomskriminalitet.

## **2.11 Folkevaldopplæring**

Sogn regionråd arrangerte folkevaldopplæring 8. februar på Vesterland. Frå dei åtte kommunane deltok i alt 113 kommunestyremedlemmar. Tema var mellom anna ulike former

for interkommunalt samarbeid, regionrådet si rolle som samfunnsutviklar, regionalisering og framtida for fylket. Opplæringa vart dekka av fondsmidlar kontingent.

## 2.12 Landskonferanse for regionråd

Sogn regionråd var vertskap for Landskonferansen for regionråd som ble arrangert i Balestrand den 1. og 2. september. Oppslutninga var god med 92 deltagarar frå heile landet. Hovudtema var regionråda si rolle i forvalningsutviklinga. Arrangementet vart dekka av deltagaravgifta og midlar frå samarbeidspartar.

## 2.13 Orienteringar og gjesteforedrag

Marknads- og informasjonssjef Heidi Hauge, Fjord1

Underkontorleiar Lisbeth Lidal, Sogndal friomsorgskontor

Fengselsleiar Roy Stadheim, Vik fengsel

Prosjektleiar for akuttmedisinsk team Ole Dyrstad, Helse Førde

Lufthamnsjef Asbjørn Haugen, Avinor

Rutesjef Christian Skaug og vaktsjef Sølfest Ølnes, Widerøe

Professor Oddbjørn Bukve, Høgskulen i Sogn og Fjordane

Ass. fylkesdirektør kultur Svein Arne Hoff, Sogn og Fjordane fylkeskommune

Prosjektleiar Ståle Brandshaug, Høgskulen i Sogn og Fjordane

Fylkesvaraordførar Tor Bremer, Sogn og Fjordane fylkeskommune

Politimeister Johan Brekke og prosjektleiar Tormodd Hvattum, Sogn og Fjordane politidistrikt

## 2.14 Fråsegn frå Sogn regionråd

Fråsegn om ortopedisk døgnberedskap til Helse Førde, 17.6.2008

Fråsegn om etablering av nytt skredsenter til Olje- og Energidepartementet, 19.6.2008

### 3 Vedlegg

#### 3.1 Rekneskapsoversikt - Sogn regionråd

Deltakarkommunar: Sogndal, Leikanger, Luster, Lærdal, Årdal, Aurland, Vik, Balestrand

	Rekneskap 2008	Revidert budsjett	Vedteke budsjett	Rekneskap 2007
<b>DRIFTSINNTEKTER</b>				
Refusjonar frå deltakarkommunar	-4 627 804	-4 409 540	-4 409 540	-4 190 113
Refusjon frå staten	-96 070			-388 414
Refusjonar frå fylkeskommunen	-600 000			-620 153
Refusjonar frå andre/private	-1 677 320			-495 000
Overføringer frå staten	-1 890 000	-1 990 000	-1 990 000	-1 450 000
Overføringer frå fylkeskommunar	-20 000	-550 000	-550 000	
Overføringer frå andre	-7 000	-900 000	-900 000	
Mva kompensasjon	-112 997	-237 500	-237 500	
<b>Sum driftsinntekter</b>	<b>-9 031 191</b>	<b>-8 087 040</b>	<b>-8 087 040</b>	<b>-7 143 680</b>
<b>DRIFTSUTGIFTER</b>				
Lønsutgifter	1 111 269	1 017 000	1 017 000	765 599
Sosiale utgifter	299 056	256 000	256 000	205 950
Kjøp av varer og tenester som går inn i kommunal tenesteprod	2 920 335	1 851 700	1 851 700	1 083 835
Kjøp av tenester som erstattar communal tenesteprod	1 750 260	1 714 200	1 714 200	1 774 200
Overføringer	6 190 806	2 392 500	2 392 500	1 168 964
Fordelte utgifter	332 497	305 000	305 000	200 465
<b>Sum driftsutgifter</b>	<b>12 604 223</b>	<b>7 536 400</b>	<b>7 536 400</b>	<b>5 199 013</b>
<b>Brutto driftsresultat</b>	<b>3 573 033</b>	<b>-550 640</b>	<b>-550 640</b>	<b>-1 944 667</b>
<b>EKSTERNE FINANSTRANSAKSJONAR</b>				
Finansinntekter/finansutgifter				
Renteutgifter, provisjon og andre finansutgifter				
Renteinntekter	-651 390	0	0	0
<b>Resultat eksterne finantransaksjonar</b>	<b>-651 390</b>	<b>0</b>	<b>0</b>	<b>0</b>
<b>Netto driftsresultat</b>	<b>2 921 643</b>	<b>-550 640</b>	<b>-550 640</b>	<b>-1 944 667</b>
<b>AVSETJINGAR</b>				
Bruk av avsetjingar				
Bruk av bundne fond	-4 860 014	-50 000	-50 000	-1 197 051
<b>Sum bruk av avsetninger</b>	<b>-4 860 014</b>	<b>-50 000</b>	<b>-50 000</b>	<b>-1 197 051</b>
Avsetjingar				
Avsetjingar til bundne fond	1 938 371	600 640	600 640	3 141 718
<b>Sum avsetjingar</b>	<b>1 938 371</b>	<b>600 640</b>	<b>600 640</b>	<b>3 141 718</b>
<b>Rekneskapsmessig meirforbruk/mindreforbruk</b>	<b>0</b>	<b>0</b>	<b>0</b>	<b>0</b>
<b>Oversikt over fond Sogn regionråd</b>				
	<b>31.12.2008</b>	<b>2008*</b>	<b>31.12.2007</b>	
Fond sogn regionråd - Div. prosjekt	-764 625	-469 625	-54 625	
Fond sogn regionråd - Ungdom	-125 333	-176 922	-176 922	
Fond sogn regionråd - Reiseliv	-281 524	-272 000	-72 000	
Fond sogn regionråd - GIS	-402 868	-178 328	-199 329	
Fond sogn regionråd - Barnevern	-167 517	-292 517	-292 517	
Fond sogn regionråd - Flyplass	0	-3 985 796	-3 985 796	
Fond sogn regionråd - Skule	-1 388 831	-1 786 982	-1 736 982	
Fond sogn regionråd - Skule fagnettverk	-310 976	0	0	
Fond sogn regionråd - Konferanse	-53 307	0	0	
Fond sogn regionråd - Kontigent	-948 286	-284 839	-1 049 839	
Fond sogn regionråd - Leidang	-203 614	0	0	
Fond sogn regionråd - IKT	-13 685	-135 200	-14 200	
<b>SUM</b>	<b>-4 660 567</b>	<b>-7 582 209</b>	<b>-7 582 209</b>	

\*Nokre av fonda pr 31.12.2007 vart korrigert i 2008, jf årsmeldinga for 2008.

## 3.2 Bruk av fondsmidlar

Fondsmidlar utgjer kr 4 660 567 pr 31.12.2008.

### 1. Div prosjekt

Fondsmidlar kr 764 625 er unytta RUP-midlar (regionale utviklingsprosjektmidlar) frå fylkeskommunen og kommunane.

### 2. Ungdom

Fondsmidlar kr 125 333 er unytta midlar som er løyvd til aktivitetar for ungdom og informasjon om utdanning og yrkesmoglegheiter. Ungdomsnettverket disponerer midlane i samsvar med aktivitetsplanen 2009-2011.

### 3. Reiseliv

Av fondsmidlar på kr 281 524 er det sett av kr 60 000 til Vestlandsforsking for gjennomføring av nettbasert opplæring og informasjonssamling for reiselivet i Sogn. Midlane vil bli utbetalt når utgiftene er dokumenterte. Det var også sett av kr 100 000 til Høgskulen sitt samarbeidsprosjekt i 2005, men regionrådet fekk hausten 2008 melding at prosjektet ikkje vart gjennomført. Fondsmidlar kr 221 524 er unytta RUP-midlar frå fylkeskommunen og kommunane.

### 4. GIS

Av fondsmidlar kr 402 868 utgjer 303 500 prosjektmidlar frå fylkesmannen. Av desse går kr 300 000 til Statens Kartverk til prosjektleiing i prosjektet "Plan- og temadata i Sogn og Fjordane". Kr 3 500 er avsett til prosjektet Integrerte Kommunale Tenesteportaler fase III. Unytta midlar på kr 99 368 kan stå disponibele til evt. lisens- og serviceutgifter.

### 5. Barnevern

Av fondsmidlane vart kr 50 000 tilbakeført til kommunane i 2008, og posten vart ytterlegare redusert med kr 75 000 grunna ei feilføring i 2005. Unytta midlar på kr 167 517 kan nyttast til t.d. kursing i felles fagssystem eller gå til prosjektarbeid i kommunane.

### 6. Flyplass

I 2005 vart det vedteke kommunale bidrag til oppgradering av flyplassen. I samsvar med finansieringsavtalen vart resten av det avtalte beløpet på 4 mill utbetalt i desember 2008 då ILS på bane 24 var ferdigstilt.

### 7. Skule

Fondsmidlar kr 1 388 831 utgjer i hovudsak unytta midlar frå Kommunal- og regionaldepartementet, Utdanningsdirektoratet og Fylkesmannen. Midlane er avsett til

- prosjektleiing, jf budsjett for 2009
- entreprenørskapsarbeid i skulane (vil få overført kr 347 000 i 2009)
- tiltak knyttta til rolla som skuleeigar

Det står også avsett kr 310 976 til fagnettverka i skulane. Dette er unytta kompetanseutviklingsmidlar frå fylkesmannen som kommunane har overført til Sogn regionråd. Overskotet skuldast at det har vore færre nettverk enn budsjettet. Endringar i disponeringane frå staten gjer at regionrådet ikkje kjem til å få kompetanseutviklingsmidlar frå kommunane på kr 350 000 som budsjettet i 2009. Fagnettverka bør halda fram og avsette

fondsmidlar vil gå til å vidareføra ordninga for skuleåret 2009-2010. Fondsmidlane vil også gå til å styrke fagnettverka, jf eigen strategiplan for fagnettverka ferdigstilt mars 2009.

## **8. Konferanse**

Overskotet skuldast større oppslutning på Landskonferansen enn budsjettet.

## **9. Kontingent**

Av fondsmidlane på totalt kr 948 286 utgjer renteinntektene på fondsmidlane kr 651 390 (kr 300 000 for 2007 og kr 351 390 for 2008). Resterande midlar på kr 296 896 er driftsoverskot.

## **10. Leidang**

Fondsmidlane kr 203 614 vil gå til å dekka utgifter til prosjektleiing i 2009.

## **11. IKT**

Kostnader knyttta til tilleggsavtaler mellom Sogn regionråd og fylkeskommunen om SOFIE og Norsk Helsenett vart dekka av fondsmidlar IKT istadenfor å fordela utgiftene til kommunane i 2008. Det står att kr 13 685 på fond.